

tuta¹. Set hac mea dextera tueri non potuit; igitur tuenda non fuit. Qui mox de lecto consurgens cum Antenore^a amico, Cayco, Palinuro et quibusdam aliis ossa parentis accipiens cum quatuordecim galeis fugit.

Filosophorum^b verba didici, amico fere leto animo esse bonando.

Quia facultatis Romane inventor in paradoxorum^c refert volumine², munus quod hesit^d in manus dantis nulla meretur gratia, set voluntati archana cordis sede³: igitur, amice dilectissime, satisfacere cupiens, Grecorum istoriam^e compendiose tractavi. Etiam a quo Troia fuit hedificata et a quo non-cupata^f, et a quo destructa fuit, narravi. Igitur a quibus la civitatis^g Italiae fuerunt edificatae, quo scelere et a quibus auctoribus fuerunt destructe, in principio dicere proposui^h, quatinus pro posseⁱ ingenii mei tue caritati valeam dirigere.

Heneas, cum quatuordecim^k galeis triremis, Troia profugus, in Italia^l properans, austro surgente, maris fluctus inmerguntur et ab imo gurgitis lapsi ad superiora levantur. Galee dividuntur, et socii separantur; filius a patre, frater a fratre sequestrantur. Eneas cum quatuordecim galeis insulam Cervorum applicuit^m. Antenorⁿ autem in litore lacum intravit cum septem galeis, ibique civitatem Aquilegiam^o nomine, id est aquis ligata, hedificavit. Descendens igitur Eneas in terram septem cervos occisit⁴; et Lacium petere, fatis^p exigentibus, dixit. Adverso igitur vento deficiente ac prospera aura urgente, vela levavit et fretum insulcare cepit; ac per septem annos vento contrario emitentinus⁵ Eollo^q huc atque illuc depetrante⁶ erravit. Tandem Syracusanam^r Sciciliae civitatem devenit et ibi ossa Anchissi, que portabat, abstraxit et eius anniversarium celebravit: galeas refecit, vela integravit^s, sibi et suis necessaria plurima acquisivit et iter inceptum perficere^t properavit. Iterum velo et remo transfretare cepit et eodem intuyente vento Cartaginem devenit: quam^u de Cipro fugiens Pigmaleonis uxorem, quam Secus frater^v eius interfecerat, constituit; ac ipsum honorifice suscepit seque et sua large representavit. Cum qua iacuit et filium procreavit et quatuor annis

a) Anthenore 3. b) filisophorum 2. c) paradoxorum 2. 3. d) ita 3 corr. et ras.; et sit 2. e) ystoriā 3. f) nuncupata 3. g) civitates corr. 3, ubi deest 'la', quod prior editor fortasse articulum significare haud inepte opinatus est. h) deest 2. i) posce 2; pose 3. k) quatuordecim 3. l) Italiam 3. m) applicavit 3. n) Atenor 2; Antenor 3. o) Aquilegia 3. p) facis 2. q) ita corrigo cum priori editore; collo cod. r) ita 3 ras. et corr.; Syria cum Mesana 2. s) ita 3 corr.; intragavit 2. t) proficere 2. u) quam — moratus fuit desunt 3 spatia aliquot linearum intermisso. v) ita corrigo; super 2 ut antea fr pro frater.

1) Cf. Vergilii Aeneidos lib. II, 291. 2) Immo L. Annaeus Seneca in libro de beneficiis lib. II, cap. 1. 3) Scil. voluntas in archana cordis sede posita meretur gratiam. 4) Cf. Vergil. Aen. I, 192. 5) eminentius? 6) depredante?